

廣東府縣志輯

中國地方志集成

民國和平縣志
嘉慶龍川縣志
道光永安縣三志
嘉慶新安縣志



中國地方志集成

廣東府縣志輯⑮


民國和平縣志

嘉慶龍川縣志

道光永安縣三志

嘉慶新安縣志

民國和平縣志



曾 樞
凌 開
蔚 纂
修

本書二十卷、首二卷，附文徵二卷。現
據廣東省中山圖書館藏民國三十二年（一九
四三）鉛印本影印。

序一

黃蔭普先生題書

廣東省

黃蔭普

地方有司而欲善其政教美其風俗必藉鑑於志乘。由戰國而後，志乘之設，雖不一而足，然其為一國之史，而莫能廢。非以其纂修不易乎？民國卅二年抗戰勝利將臨年之三月，余與教育廳黃廳長麟書兄視導和平適其地，官紳設館續修縣志，稿正編成，將付印刷。曾兼館長效愚，遂副館長開蔚以志稿屬余，為序。余受而閱之，並詢編辦經過。因曰：當茲非常之會，各縣市政務殷繁，日不暇給，和平獨汲汲網羅舊聞，從事修志，自前年五月集諸庠彥而采訪，而編纂，而繕校，費時兩載，備歷艱辛，可謂勤矣。而志中人物及重要事項之紀載，類皆付諸評議會公同決定，避免偏私。綱陳目舉，燦然可徵，自足以信。今傳後夫，縣志為省志所取資，和平第六修舊志成於嘉慶已卯，實因當時省修通志，奉令興修，蓋距今已一百二十餘載。現本省通志方進行續修，而和平第七修縣志即於此時成書，保存一邑文獻，促進地方治化，又可供給通志材料，其作用至為正大，而官紳合作，底於有成，其精神毅力尤屬可貴。倘各縣市皆能如此，編摩

和平縣志

卷首

序

完成志書通志續修事過半矣，因書以為之序。

中華民國三十二年四月

廣東民政廳廳長何 彤撰

序二

客歲四月，余以視導縣政至和平。時邑官紳從事修志，已開館三閱月。曾縣長效愚兼任館長，其副館長兼總纂則余友凌君秀峯也。諸編纂協修亦多。余舊交相邀過談，始悉其進行程序。先由凌君主任采訪，以八個月，備歷全縣，協同紳學各界搜集志料。然後設館編纂，以冀依期蒞事。余其體之。本年三月，余與 民政廳何廳長出巡，再至和平。城則志將付印，館長副以繕正稿送閱，且請 何廳長及余為序。余維和平在未建縣以前，為龍川及河源邊遠地，山深路阻，政令難及。屢為秀民所窟穴。自明正德十三年王文成公削平寇亂，奏設縣治，頻施政教，而後文化漸開。衣冠文物，蒸蒸日上。地方之文野視政教為轉移，不從可見乎？然邑中既往事實，必賴志乘記載，始得資鑑戒而策方來。和平舊志自嘉慶已卯修後，百廿餘年，世事滄桑，諸多興廢，迨及今之抗戰建國，世變益亟，地方更變之事蹟愈繁，值此時而搜羅

故實，續修縣志，固所以保存文獻，亦文化建設急要之務也。夫一邑之志書，即一邑之歷史，且縣志有徵省志，取焉省志有徵國史，取焉縣志，關係既若是之重，故所載事實務極詳確，所持言論務極公正，乃為可貴。和邑此次修志，采訪則責專搜廣，編纂則合作分工，修飾則時歷數月，而重大事項又悉經評議會決定，力避偏私，成見其書之足以信。今傳後，大有裨於教育文化無疑也。抑和平與敝邑龍川，鄰縣也，和境向分四圖，和平仁義廣三等三圖，折自龍川，其河流皆入龍境，故兩縣風俗習慣，大抵相同。居民往來感情素洽，即兩縣舊志亦同修。自嘉慶龍先一年成書，但龍志於民國二十年一月設館續修，現尚未就。今和平修志費時二載，竟告成，誠令人不勝欣喜。而志書風行人知感發，花山洩水之間，教化大興，人文彪炳，建大功成大業，以生光榮於國史，尤有無窮厚望焉。是為序。

中華民國三十二年四月

廣東教育廳長黃麟書謹撰

序三

夫徵文考獻，降唐虞三代而有書，實循名歷，漢魏六朝以可紀斯言也。國家治亂興廢之

和平縣志

卷首

序

原尚矣。至如一鄉一邑之間，一人一事之烈無大無小，可歌可泣者，稽諸史乘，或載焉而弗詳，或擇焉而弗精，為欲補苴罅漏，舍縣志其奚由？粵之和平，位東江上游，毗閩輪遶，徼萬山磅礴，灌莽紛披，有明之世，王守仁帥師戡亂，駐節於此，以次開疆拓土，依山建城，蓋迄今四百餘年矣。流風餘韻，翕然猶存。曩之縣史固班班可考，第世變風移，迭更治亂，其間人文蔚起，碩彥雲興，昔之無以傳者，尤賴於補闕拾遺。今之有可述者，尤待於秉犁剗剗。邑中達人達士，凌子開蔚等，有志於是，為時三載，始竣七修。余適於清和之月來篆，是邦焚香開卷，尋繹數四，覺於此鄉，此邑其事其人，無大無小，可歌可泣者，莫不粲然備載。至於山巔水涯，捫險探幽，亦復聲色如繪，以謂是編為世道人心之所托藏之名山，而無愧者，不其然乎？為弁數言於簡端，藉誌躬逢之盛典。

中華民國三十二年癸未夏仲

和平縣縣長謝月峯謹撰

序四

郡縣之有方志，蓋為古者列國史乘之遺。近世志書大抵多仿唐宋州郡圖經通人議為已

失史裁然苟紀載信而有徵即足存一方文獻不獨探風問俗示如指掌舉凡地方因革損益胥可借以視往知來昔人往往身未下堂有所設施輒能出而合轍此方志之所以可貴而不可缺也和平處粵嶺邊徼往昔山深林密每有政亂輒爲盜藪有明中葉涇頭聚賊亡慮數千放劫旁郡數十載正德十三年巡撫都御史王文成公約兵進剿既平涇遂奏劃龍川和平都等三圖河源惠化圖立縣設治於和平洞羊子埔撫輯流亡爲永甯計十五年報可乃建設城濠官廨學宮書院簡賢守治置學訓導以圖易俗化民由是漸有絳歌矣越四十餘年陳侯文彬以王文成公除三微大惠功德在民不可以無紀也始倡修縣志惜明清之際羣盜蓬起邑境騷然志業隨燬康熙十一年唐侯開先垂情故典會廷詔博采郡邑風謠纂輯天下通志乃急起捱拾灰燼諮采舊聞彙成邑志未及剞劂康熙十九年韓侯師愈見唐志抄本尙多闕陋加以校訂增刪付梓流傳雍正六年王侯植再補訂遺錯增入事紀一篇搜輯精詳至爲可貴乾隆二十八年曹侯鵬翔又以雍正八年後宦蹟民風俱有實可徵復延儒開鋪補綴增修至嘉慶二十四年羅侯天桂續修已爲第六次和平志書於茲燦

和平縣志

卷首

序

三

焉稱備數百年故實賴以留遺不墮者皆歷蹟賢侯之功地方先達之力也顧自羅志成後歷一百二十餘年其間隆替盛衰迭相起伏尤以海禁開華洋匯清社屋民國立中國政治軍事經濟文化莫不發生急劇變化和平疆域雖無變革而潮流激盪風氣不開政教民俗逐漸進展比之嘉道以前相去殆不可以道里計時殊事異非舊志所能兼賅文獻無徵君子懼焉民國三十年春余承乏是邑詢取邑乘舊刻無存僅獲楊任油印翻本一輯蓋仍嘉慶二十四年舊志余所宵披覽兼參考王文成公全書見明大學士費宏所撰平涇頭記慨想文成與諸君子戡亂致治之大猷又知吾邑鄉先達天與王公當日實任甯都知縣從贛州知府邢珣由龍南縣太平保進兵躬與平涇之役心焉嚮往每欲於暇日求王公師行所經故道訪其軼事而父老無能言者蓋往跡之湮沒久矣因念百餘年來茲邑政教風俗之變遷其事皆爲父老耳目所接及今不爲紀載他日年湮世遠傳信又孰從而考之余用是決計重修縣志謀之邦人有周紳來言邑之賢宿凌秀峯先生習於掌故嘗蓄志修志且廿年以茲事體大繚而未發近自龍川旋里著手籌備似其忙碌者不大喜曰凌先生先

得我心今有若人事必成矣乃亟馳書徵至瞻其風采聆其議論於編修志書皆若夙具成規遂屬以主持纂務先生曰纂修之責所不敢辭惟和平地瘠民貧宜先采訪後開局以省費余聽其議由是立規章分區採集而先生則躬歷各鄉周諮博訪數月窮搜事實盡備爰集邑中賢達商議設館衆推余爲館長固辭不獲乃推先生爲副館長兼總纂而編纂協修各員分別遴聘設館於城南環溪寺開始編纂焉方是時教育廳長黃公麟書適巡視潯縣聞是舉也莞爾笑曰抗戰五年悉索以赴猶能措意及此可謂能見其大矣並親臨志館指示訓勉有加衆爲感奮自三十一年一月開館至年底志稿完成計連卷首卷末都爲二十二卷卷中分目多寡不等經諸賢縝密研討詳慎校訂各目爲舊志原有者悉仍其舊而以新收事實連綴之如舊志所無者增之又於前志之中誤者正之闕者補之而採摭翔實體裁多異於前要其大旨歸於信而有徵後之君子得以誦詩聞政入國知教入境觀風亦不爲無助余喜是書之果成而念耨紳先生之勤也故於付梓時詳述斯志之沿革與重修之始末使來者有所考焉

和平縣志

卷首

序

四

中華民國三十二年三月一日署和平縣長曾 樞敬撰

舊序 制修

邑人 劉應龍

古者自王畿至於列國自公侯達於附庸莫不有紀載之官以掌記事予嘗考春秋傳所稱引如曰周志鄭志之類可以見矣所以掌故實職登載備考閱以廣聞見而示不忘也古語云前事之不忘後事之師也今之各省郡邑固古之列國也其爲志也者所以志不忘也還曰書曷曰意曷曰典物曰錄法盛曰說名雖不一其實志也然或詳於浮詞則有專鼓唇吻之議略於古實則有不勝斷梗之嘆故江淹云修史之難無出於志誠以志有憲章之所繫非老於典故者不能爲予和自設縣之初雖固有志但艱於草創之未詳時勢之未周也矧今五十餘載沿革靡常弛張異易致改圖離合殊化予憤積仰以俟大夫之賢能任記載者久矣今學慎所陳侯尹蒞茲土才宏而德碩識深而慮遠當理平之時修廟學育賢才其尊德樂道化民成俗之意已無所不用其極矣而其幹局之長才思之敏振廢興遺剗弊屏蠹規畫繼悉靡事不舉上而城垣雉堞之修次而通傳郵亭之飭下而險固走集之葺比閭族黨之聯其所以防患患戒不虞者亦已至矣觀舊志之未詳新紀之未錄也故廣約曲

和平縣志

卷首

舊序

五

求旁搜擷括易其詞覈其實正其體諒其目婉而多慨直而不激遠而有徵近而不穢裁成義類自建置以至維志分爲八卷而又各論敘以發之斯真古良志也觀者其將興而懲乎夫法不必盡於天下雖在郡邑補偏救敝弗可無者化而裁之存乎人焉因言以考實因實以稽政因政以問俗作者之徵於是爲大故蒞政者貴知要和非無志志之不詳志之無也和有志自今始斯知要矣予不揣僭述於篇俾觀風者改焉萬曆二年歲次甲戌季春望日

舊後序

制修

邑貢生 何九嚳

嘗聞志者記也記其事以出治道者也昔孝亭朱子歷官江浙閩海所在以修志爲急非徒資博洽記空言已也固將灼前聞而見之行事已耳使因志所在而反求之究理亂之原謹苞桑之戒若事因何而興若事因何而廢慘然思所以登戶口實財賦振兵防典學校同風俗毓賢才則元氣回而邦本固矣古者四方之志外史掌之所以述往訓來記實而備典故者非以是與故善爲政者非以役志簿書爲能而以留心文事爲賢所謂備術衛吏事是也茲愼所陳俟下車和邑器局冲融才猷敏邵適惠潮兵燹之餘烟井蕭條而戶口耗折生

意銷鑠而文鑑落寬竟能濟時應變起治維風其吏治之美已詳於宦蹟按其信於上官則撫按獎其賢藩臬旌其異其得於民心則有十美歌謠有去思亭碣有和邑絃歌之雅集有

出境惜別之旌旋謂古之良牧信無愧也宜其留心邑乘又得賢師儒卓峯黃公南隅李公集髦俊以襄之故其錄可傳今觀其志例分類別綱標目古剛今昭凡疆域之廣隘山川之險易制度之沿革事理之治忽官師之良否人物之淑慝風教之淳澆籍賦之息耗戎祀之廢修文藝之質靡輦然具陳世有外史者作采之備史信天下而詔後世豈惟擠奇摘藻爲一邑增美之典已則雖昔人所錄有不可疑有不可無疑者蓄以遵因而下制作紛然率競博洽而鮮勸戒也然則此志之垂訓其爲益豈淺淺哉嗣是仕于此與生乎此者觀宦蹟而思循良之是承慕先達而惟賢哲之是勉則必上有善政之臣下有易治之民所謂戶口財賦學校風俗賢才兵防均有所寄其於聖化非小補而他日增光是志豈不與山川景物同鏗鏗鏘鏘於兩間哉余因是附序於後時萬曆二年五月望日

舊序 二修

邑令 唐開先

和平縣志

卷首

舊序

六

邑之有志猶國之有史也史以紀一代之星野山川形勝險要田賦丁徭風俗人物體爲一書使後之博物君子得以有據而取徵焉邑之志應如是耳和平未建縣邑之先寇人肆虐踞地爲巢民不聊生何志之有正嘉之間自王文成公掃蕩諸盜始設縣治以建官分土民以類族有城池市廛以安居有川原耕鑿以訓業於是舉前狂狷獷荒略不文者而駁駁平有文物之風萬歷初年爰成邑志亦足爲山陬之野史矣明運將終羣盜蜂起和平山川險要尤易伏莽於是有竊地而窟破城而樓者斯時也元元失所驚驚奔逃室家慮慮俱不遑顧而於志之梨棗何有今者聖明在御雅重斯文下令域中冀輔天下通志猗歟盛哉和邑雖小亦儼然分土分民可無桴壤以助泰山管窺以成全豹耶然而搜括舊文捃拾故典業已迹熄無傳爲文獻之所浩嘆將謂之何不得已詢之野人所記述訪之父老所傳聞獲其片言隻字如吉光陳影雖不足贅修全史而方聞野乘古今同載彙成一書亦將以副昭代考文之意若曰邑之有序即國之有史也則吾何敢

康熙十一年壬子冬序

以天下視一邑則一邑小也合天下之邑而後能大天下則一邑大也邑有山川人物風俗好尚制度文章之類常與天下相爲汗隆則大天下尤不得不大一邑也昔之人常取山川之清淑者志之人物之出類者志之風俗之異尚者志之制度文章之繁重者志之然賢否善惡分列燦陳未嘗不寓是非褒刺於其中其所以彰往勸將來者略效史家編年紀月人物列傳八書十志之意兼總成文可使言之無罪聞之足戒抑又安可大天下而小一邑也哉今天子崇儒重道纂修先史以成一代之書詔天下督撫博探郡邑之風謠付史館甄別焉其視一邑亦綦重矣和平自陽明王公創建之後其山川人物風俗好尚制度文章雖有一二志載明季遭兵燹殘更簡斷篇殘不堪傳述迨康熙十一年吾鄉唐公開先蒞茲十纂集成帙而未嘗創闢茲因詔探郡邑之志余得稍爲增補以應徵求時明經黃子足臨同爲刪訂因向余言曰邑之志卽國之史也人心世道無不關繫於斯向以抄本致多遺錯今既編修校定宜付之梓以垂久遠余然其言而因以述其事如曰賢否善惡將於此寓是非

和平縣志

卷首

舊序

七

褒刺於其中焉吾敢乎哉康熙十九年庚申九月

舊後序 三條

邑令 韓帥愈

嘗讀魯論至誰毀誰譽如有所譽者其有所試矣章不不禁掩卷歎曰譽之不可輕信矧敢慢人乎雖然直道雖在斯民而三代之風邈矣勿見今之人求福辭禍愛生惡死交戰於胸中以故是非倒置枉直混淆求所謂能好能惡者殆不易得此其中或以時勢而見諛或以賤惡而遠嫌故其人當吾前而賢苟貧賤單寒雖善勿錄使其人當吾前而不肯苟尊貴顯榮雖惡勿傳若夫承先啓後盡視其祖父與子孫之通顯以爲定評雖有董狐良史亦置之不論不議之列甯敢大書特書自取尤悔也哉不特善善惡惡有違天下之公道且將掩不善以著其善譬如冒軍功者不煩一矢不費一兵而大蘇高牙儼然元戎之列至有親冒矢石斬馘獻俘反老死於行伍而不用今之是非枉直類如斯今天子聰明天竄岐嶷性生內外大小臣工其賢不肖已灼見於宸衷廉而能用不以次之遷擢貪而劣者加以格外之誅懲彰瘡之法一準於公好公惡而是非枉直合乎天下之人心頃纂修一統志猶慮民隱之

未達也詔天下之撫督繪輿圖以進復採各省之通志付之總裁詳加考訂其於疆隅之廣狹

人物仕宦之臧否風俗土產之美惡若瞭然於指掌之間操是役者苟不矢公矢慎以直道返之斯民是傳信傳疑將使國史無所憑藉上之重負乎朝廷下之有疚於夙夜尙何可言哉師愈於庚申歲曾搜舊帙稍爲增刪因演逆未靖尙孽方除日爲羽檄旁午應付軍需遑顧他及兼恐搜探未盡故不敢輕付災梨今則詢之故老參之通志分門別類細心釐正無私毀無私譽以求返乎三代之直道無忝乎孔氏之遺書而已和平雖小亦一統之土宇採風者當不以葑菲而遺下體云是爲序康熙二十六年正月題於皆山樓

舊跋 三條

邑貢 黃足臨

余學淺性昏不能珥筆彤庭揚國家之盛治又不能著書石室備後學之師資徒以一經皓首兀兀窮年於牖下而名不達於當時余愧矣是舉也敢曰余分其任哉惟是生長斯邑邑以外罔所聞知難免孤陋之誚若邑之內輿輦廢墜余得而親識之故於文治武備而見先賢憂患之深心焉崇祀報功如親循良之遺愛焉俎豆先德如覲前哲之懿範焉至我國朝

和平縣志

卷首

舊序

八

之仁侯或者善政或垂善教皆余之所面承而心佩之者美而弗傳余則何敢惟韓邑侯鼎新學宮興創書館革弊立石賑荒捐金以至拯水火之災全婚姻之好罔不惠隨戶給德入人心又皆邑人士之所同耳而同目之者宜編入乘以快斯民直道之公幸今聖天子博採風謠欲新一代全史檄令各郡州縣覈實以備通志之採和邑雖小皆屬王土其爲志則一也邑侯韓公留意輿輦以光梨棗命臨參訂是非特筆視於其間余奉教公憤自矢并謀之同人合之輿論勿敢以曲爲直以僞亂真以違生平不阿之性以拂斯民直道之公夫亦曰誌以傳美而信斯傳爾余之得與是舉也余之幸也然而余滋愧矣敢曰余分其任哉康熙二十六年

舊序 四條

邑令 王植

粵東之邑以和平爲最後而和平之地實在粵東爲最先尙稽秦皇之三十有三年遣任尉趙佗擊南越始以佗爲龍川令和平龍川屬也開郡事始首著龍川而和平實隸屬之不可謂最先乎嗣後代有沿革龍邑名說不易有明正德十三年陽明公撫南贛剿剽巢初奏置

邑迄今傳二百年耳固於粵爲後之也邑當草創無暇爲志隆慶初陳公文彬乃創義類分爲八卷我朝康熙十有九年韓令師愈乃爲增補而付之梓夫志者必有其可志者也疆域山川風俗土物此造物所成雖不志而自存惟是城墉戶口生養教誨成民事神之義苟泯焉一無其實雖有志如無志故吏治不可不飭也夫邑以和平名實惟是謠諑胸臆而咏之之足爲稱乎傳曰寬以濟猛猛以濟寬政是以和經曰無黨無偏王道平平和平之義大矣哉植於丙午冬叨蒞是邑適承今本府張使君調任之後而其前爲夏邑李公又其前爲謝水盛公邵公訪其治蹟各有優絀而李公之治意在休息張公之政主於振作二令之遺澤尤屹然口碑也士君子甫任一邑雖張弛各有夙志而於民風物情或未盡悉至於閱事既久因地制宜必有數事焉足以裨民生而漸積弊者後賢欲一旦解而更張之用博一時之名往往得不償失而後反爲風階以余考和之今日革弊而陋規盡裁矣勸墾而荒峯盡闢矣保甲行鄉練設而彈盜有方矣戶首革火耗減而征輸不擾矣倉儲新而備燭無虞社穀裕而豐歉有備訟牒自拘而鄉少打門之吏科派悉絕而民免無藝之征前人之已事

和平縣志

卷首

舊序

九

亦幾備矣繼其政者但當擇善而從設誠而致行之而更持以清慎勤之三言以善全和平兩字之名義使日用飲食習而忘焉則流風懋績其必有可實而按者乎余雖有志未逮而於往昔芳踪固嘗博采而謹志之且用自易焉蓋是書自康熙丁卯以前皆舊帙所有而戊辰以後則余所纂取者爲多既於大目補事紀一篇餘或補其未備或訂其未當其說略見凡例中嗚呼三泐微封皆皇朝版載之字七集餘命悉聖世漸濡之民豈曰蕞爾山城於粵東最後遂落然無可紀述也哉雍正六年戊申秋七月

舊後序 四條

欽差梁金玉

建邑而以和平命名者蓋七集之地民多强悍三泐之區人懷險側官斯土者不可不以和平治也然或謂和平者豈區區爲專主于寬和平易之謂哉寬和勝則易以容奸而嚴厲以起平易勝則人心易玩而擊斷以生古大臣學問深醇平心和氣以爲化民善俗之本不競不綽不剛不柔和平行於邑則一邑之福也和平行於天下則天下之福也和平之義豈不大哉而况設邑命名顧名思義其於和平之說尤有不可不急講者善夫深澤王公植者

直能以和平治和平者乎學有淵源家藏治譜淡漠居心澄虛度物謂地不和平安可不以和平治也地號和平安可又以不和平擾也故纂修是志刻無去陋創訛補闕大約鑒其戾於和平而取其有合於和平者三載編定成書授之於梓覽是書也公之心術以見而公之治績亦以見矣刻未成而公於己酉七月離和平調陽江又未幾羅羅定牧和入效借寇不能思公慕公以爲公去矣矣無復有如公者且又安知寬和之後不繼以嚴厲平易之餘不易以擊斷也乃天子惠憐荒遠慎選良牧以爲莫爲之前雖美不著莫爲之後雖盛弗傳特簡新邑昆明王公諱鼎字昌華以踵其後是年秋八月任公員瑋璋質擴恭謙度愛民下士而懲創未嘗不嚴摘伏發奸而哀矜未嘗不切甫離雪案候試牛刀熟道輕車行所無事下車數月頌神君歌父母口碑載道者無異深澤王公也而昆明王公嘗有曰余才識遠不逮人幸踐深澤公迹無敢異轍是二公其姓同其居心制行無不同而亦有不必要同者深澤王公澄和三載而其間或署平遠或署海豐訖無常日計實和者不滿一載此一載之中與廢舉墜絜綱提要外間有當爲而未及爲者固不妨留以爲後賢地昆明王公起承其任英敏

和平縣志

卷首

舊序

十

周詳忠愛夙具見龍亭向移在明倫堂後公曰義狎何以示敬明倫堂向逼在崇聖祠首公曰問維何以明尊建萬壽亭于學宮之上奉龍亭於萬壽亭之中朝賀拜祝效嵩呼禮非徒壯觀瞻而所以敬君者有常所遷明倫堂於崇聖祠之左建拱棚於崇聖祠之前與聖殿前後一氣相接豈徒示輝煌而所以尊師者無隔絕請如定例追封關王廟以崇禮制而兵民相安創興修文昌魁閣以振士風而經營有法諒約讀令以身倡率耕耨農匪循故套種種善政不可枚舉要皆本平心和氣出而爲化民善俗之事指日異聲報最將見和平行於一邑者漸而天下動猷爛然福濟寰宇與深澤王公先後輝映者是乎在豈直區區以和平治和平已哉梓刻將成而深澤王公之實政略記去思碑記及昆明王公之新政均不可不入邑之士民請余補序用是無致闕略依類編補乃益嘆夫治道之必尚和平非無所自出而二公之學問經濟果能相與有成也是爲序雍正八年庚戌夏四月

舊序 五條

邑學廉朱超致

者勢也和邑開自文成王公猶草昧初開官斯土者勢心調理漸次補綴若集裘然今既二百餘年前明治絲尚紛泊國朝重熙累治賢邑侯迭出彌縫遂既就緒舊志歷歷可考蓋舊志自陳侯文彬始類分八卷時建治僅四十餘年雖事屬草創既大有裨於風教又越八十餘年唐侯開先重修則討論之補也又越十餘年韓侯師憲重修則修飾之補也久之循吏接踵合人情宜土俗筆不勝書迨雍正七年王公諱植蒞任才識兼優獨出已見訂正另補事紀一卷最為精詳其殆潤色之補乎迄今又經三十餘年矣幸中州曹公聰明性成讀四書藝及大文稿直追秦漢以上不但書畫絕倫屢年延及掌教龍溪書院課餘常談及邑乘雍正八年以後宦蹟民風俱有實可徵不可以不補適本年夏逢李大公祖修郡志屢札搜遺補闕因以邑志乃郡志所取裁亟商修之遂諒吉開館於文昌宮延請邑中徐師諱廷芳孝廉毛際博林適中副魁徐潤明經謝延知等共相參訂旋以諸君有故未暇屬意於及與徐副魁司其事乃得與參纂之列爰於分類內增數例事紀中增數條仍於庚戌以往凡官府著蹟及民間善舉皆謹補之其節義立傳則徐君居多稿成覆按歷任循良不

和平縣志

卷首

十一

一無如教養為大閱前志張公之勸民種山於今油茶之利以千萬計是大有補於和平之養道也閱續志曹公之課士捐田自後人文之興以歲月舊是大有補於和平之教道也二公尤光邑乘哉今割闕在即竊敘述所由全書總以前志為準間有一二加增皆與修諸君所商推期無負是非公心未知得免貂尾羔袖之譏否乾隆二十八年癸未春月

舊跋

五條

邑孝廉朱超玟

和邑舊固有志始於萬歷甲戌續於康熙壬子泊庚申備於雍正戊申泊庚戌計年未滿二百當設縣之初規模草創利以漸興害難驟除非一朝一夕之故披覽舊志大約尹公以前多經營而後則惟潤色蓋自建治至庚申聖世德澤洋溢賢邑侯後先相望或寬或嚴實多卓然可紀順雍正八年以後山川形勢疆域城池雖仍其舊而戶口賦役人物風俗之類固有大有盛於前者焉可闕略不補曹公學問該博治和數載政教兼施以邑乘當續見論壬午冬慨然主持於上開館聚英我同人遂共襄其事義例悉準前志間有遺者補之凡增入庚戌以來事必錄真言必傳信兢兢乎常慎毋濫常質毋浮閱月告成授梓試觀夫城立僻

隅遠聯兩省於以知輿地之所以當昔多瘠貧今成樂利於以知賦役之所以增士尚風節俗多禮讓於以知人物之所以昌風土非異科甲漸增於以知選舉之所以盛若夫殿廡低陷山逼於前路射於後又師牧之作養宜先而鄉士夫之改造宜亟也抑尤有進焉邑曰和平其於和也必順於道德漸仁摩義而後乃可得其平際此熙昌日久亦有待於修補焉否耶衙籤竊盜找划兇手賭博私宰占墳和邑積害從前賢父母未有不於此必先者是除此數害更有補於地方夫非光邑乘之大端歟乾隆二十八年癸未春月

舊序

六條

邑令羅天柱

夫載籍之可以信今傳後者莫如經其次莫如史經者萬世之常道也史者一代之實錄也而採輯一邑之事實無乖萬世之常經則又莫如志志即史也以其繫於邦國故曰志也其事其義合經史而一以貫之者也所係不綦重哉顧邑之有志莫為之前雖美弗彰莫為之後雖盛弗備創於前宜續於後也夫經不可續者也而王通續書東晉續詩且有續之者矣史不可不續者也故褚少孫續史記曹大家續漢史司馬彪續後漢書必續而後成者也若

和平縣志

卷首

十二

夫一邑之志彼分野占星輿圖紀地城郭廡署定其制壇廟祠宇紀其方以及山川之險要橋道之修阻無事紛更者不必續也至若興養立教政治有得失之殊仕宦科名人文有盛衰之異天時地氣間有災祥夫婦知能亦多節義無以續之將歷久而或失其真故續之宜亟亟也和乎自王文成公平定以後割龍川之屬地奏建縣治新造之初修志未逮至萬曆二年陳令文彬草創編輯分爲八卷爰成縣志然皆抄本未付梓也厥後唐令開先韓令師愈以及王令植曹令鵬翊或補其未備或訂其未當四閱纂修付諸割削而和邑之志始有成書迄於今又五十餘年矣歲丁丑補授和平取舊志而備閱之率多模糊殘缺且自乾隆二十八年以來其間吏治兵防士習民風未嘗一載竊嘆一邑之志創於前與續於後皆守土之責也亟欲補輯續修方有志而未逮適大憲奏修省志檄飭郡國州縣一律興修案送省局以備採擇於是捐廉倡首設局縣城延者儒徐君延翰專司其事而採訪分修又有林君德馨曾君廣其黃君清渭若而人公餘之下所夕從事相與參互而考訂之比例分類沿八卷之舊章綱舉目詳成一邑之信史閱數月而告成學校明而邑有窮經之士矣土

田闢而野多力穡之農矣聯保甲選更練宵小潛踪矣舉端方旌節義愚頃向善矣而且賦稅丁糧征輸有衙郵傳鋪汎盤詰維嚴一邑之治不皆整然各當也哉夫和平之在嶺南距郡遠距省尤遠僻小地也而沐浴膏澤涵濡德化已歷三百二年其間俗尚之樸動人文之炳蔚士女之貞義物產之繁多已不異於通都際茲文教昌明之會史冊光昭紀載詳悉和邑人民或見而知之或聞而知之將必觀感興起有所慕而為者有所憚而不敢為惡庶幾戢蒸蒸丕變成臻一道同風之盛矣繼自今或十數年或數十年必有起而繼之者後之視今亦猶今之視昔也夫桂不敏因續成邑志附記於後以備觀風者之鑒擇焉若謂寓勸懲於記載之中維風化於簡篇之內得與經史信今而傳後焉則非所敢知也嘉慶二十四年己卯冬月之吉賜進士出身戶部湖廣清吏司主事和平縣知縣畢陽羅天桂丹崖氏撰

舊跋

六條

邑拔貢徐延翰

嘉慶二十三年縣主羅奉制憲飭修縣志二十四年設局命延翰同金濟黃君廣具曾君德馨林君清渭黃君續修縣志時金濟黃君主講龍溪書院來祥林君碩鵬曾君鳴衡徐君鍾

和平縣志

卷首

序

十三

荃蕭君均不及常川在局翰與曾林黃三君恭閱乾隆癸未志雍正戊申庚戌志康熙壬子庚申志尙存厥初萬歷甲戌志則不可得見矣然三志均照萬歷甲戌志類分八卷而增益之綜前後四志參觀誠如乾隆癸未志云萬歷志草創康熙志討論雍正志修飾乾隆志潤色其為書亦大備矣計自開縣立志迄今已卯準三百年舊志向分八卷無容更張時至事起增補之足矣其間時有不同立言稍異有為地方興利除害者有為地方鑒戒獎勵者有為民俗好尚補救者有為今昔情形調劑者或簡明直率或長篇累牘總期無背于理有益于邑一稟承邑侯鑒定然後登諸簡冊也後之官斯土者觀此志而不無感發焉生斯土者觀此志而不無感發焉則此志誠不可不續也夫嘉慶二十四年歲次己卯邑拔貢徐延翰敬跋

凡例

一嘉慶己卯志例悉照乾隆癸未志仍王公雍正戊申志稍訂雍正距今年逾二百嘉慶己卯亦相隔百餘載時代不同世事迥異志書舊例自難沿用茲特參照奉發廣東通志館訂定廣東各縣志修志事例概要並體察地方情形從新訂定凡例以期適宜舊例除酌採外仍附載備考

一舊志凡八卷十七目此次續修首末二十二卷二十目其中分合增刪變更之處頗多除較重大者另項說明外餘俱於各目開首記明纂次大旨

一本縣志書前修六次現祇存六修之嘉慶己卯羅志餘俱散佚此次續修應將舊志即羅志全部採入其有抵觸現政令者酌予刪節或修改

一據舊志凡例所載志中事實有採自郡志及龍川志者但未分別註明後人無從得悉此次續修凡事實出於舊縣志或其他志乘及私人著述者概仿廣東通志例註明出處固免掠美亦以存真

和平縣志

卷首

凡例

十四

一著書大旨每詳序跋舊志編舊序於卷末外志輕重未免失宜且舊序末既附列修志姓名而另編志源又將各名記載殊嫌煩複原志源除記歷次修志年月及經修人職銜姓名外並無其他意義此次續修將歷修姓氏依次開列與各舊序一併移置卷首刪去志源庶眉目分明源流易溯

一舊志各目小序作於何時何者為嘉慶己卯新撰無從查考此次續修不用小序所有舊小序分別於各目附載作為參考資料不作序文以志書重在事實也

一各項事實無論關於個人或團體有發生爭端之虞者概不入志但其事有關公益者仍應設法確查提由評議會決定

一職官除清代文武職沿舊志登載外民國以來新設縣地方各級職官文職從薦任起武職從少校起采登

一選舉志學校畢業文校自高等專門以上學校畢業軍校以黃埔陸軍小學中央軍事政治學校雲南講武堂航空學校等本科學生班畢業者登載

題
形詞
勢
圖序

和平縣志

目錄

十七

和平縣志

目錄

十八

附和平文徵

和平縣志

目錄

十八

續修和平縣志職名

民國三十一年設立和平縣志館

館長

和平縣

縣

長曾

樞

字與甫

恩人

副館長

兼總纂

訪主任

前和平縣政府秘書

長清附生凌開蔚

字秀峯

監督

和平地方法院

院長鍾禹勳

鶴山人

和平地方法院檢察官

張競新

五華人

和平縣政府秘書

陳上鵬

字與甫

飛人

編纂

清附

生袁維藩

字大

同夫

歷任

潮陽各地黃琦才

字三

仿民

魏鄉

和平縣志

卷首

續修職名

十九

協修

和平縣黨部書記

長袁雲蔚

大成鄉

歷任

海康與雷龍川

連黃金階

字鏡堂

山五等縣

立中學

校長歐陽礪

宋烈

和平縣立中學

校長賴政均

字青

州一

前和平縣

臨時縣長

黃漢廷

三民鄉

五七團

上校

黃自監

三民鄉

前和平縣

臨時縣長

黃紹堂

大成鄉

歷任

各地方檢察官

可徐煥宗

字榮江

前任

廣東省臨時參議會

議員徐飛

字翔明

廣東省臨時參議會

議員徐飛

字翔明

字小田

中心學

校校長

麥翹榮

字小田

清附

生劉作楨

字陽明

初臣

清附

生黃金臺

字優賢

初臣

前感昌

地方檢察官

徐鍾奇

字拔車

駐協修

兼總纂

前和平縣

縣議會副議長

張瑞珊

名大應

清附

生朱汝南

字大榮

周鄉

應任

分庭檢察官

推黃仲澤

字三民

前龍川

縣公署總務科

長黃介

字三民

五七團

附第六十營

長三周剛

字如南

製圖員

梁炳鑑

字古鏡

容鄉

校廣

地東

形陸

科軍

畢業

學梁炳鑑

字古鏡

容鄉

前代理

寶安縣知事

黃華

字陽明

和平縣

政府教育科

長蕭廷金

字古

和縣

商會

長謝德齊

字梅縣

前和平縣

縣長徐炳榮

字光甫

古寨鄉

私立務本小學

校長梁鏡村

字古寨

和平縣

附

生劉登泉

字彭如

初級中學

校長陳啓珩

字林若

國立清華大學

畢業生徐登濤

字大

和平縣

政府指導員

周明養

字大同

和平縣

政府指導員

陳旭明

字林泰

前和平縣

稅捐處副主任

曹正熙

字三民

廣科

公立法政

學堂黃炳南

字三民

財前

移和

處平

方黃達川

字熱水

前龍川

縣

長賈仿孟

字名化

前和平縣

參議會副議長

長陳剛夫

字大同

陽明鎮

長黃水生

字陽明

大同鄉

長黃介民

字大同

大成鄉

長曹憲中

字大成

初級小學

校長黃海章

字子泰

前國民革命軍

第四營

長陳鵬初

字大勝

永豐鄉

長黃翹梧

字大成

前大成鄉

長黃翹梧

字大成

禾豐鄉

長黃翹梧

字大成

熱水鄉

長黃綠崖

字熱水

源鄉

長黃國標

字利源

江鄉

長曹鴻材

字大湖

大湖鄉

長曾保源

字宋烈

宋烈鄉

長嚴培賢

字林泰

林泰鄉

長陳式銘

字下車

下車鄉

長徐冠羣

字下車

優勝鄉

長何寶琛

字優勝

彭寨鄉

長林登青

字彭寨

彭寨鄉

長曾堯漢

字彭寨

優勝鄉

長黃英廷

字彭寨

禾豐鄉

長徐鳴鑾

字禾豐

和平縣志

卷首

續修職名

二十

根溪鄉

長陳衡秋

字根溪

古寨鄉

長梁明甫

字古寨

禮士鄉

長黃軼凡

字禮士

公白鄉

長謝祐禮

字公白

前和平縣

參議會參議員

曹德初

字曹鄉

前彭鎮鄉

長陳德昭

字彭鎮

前和平縣

立中學校校長

蕭得植

字伯周

水溪鄉

長梁國達

字水溪

崑崙鄉

長劉岐山

字崑崙

青州鄉

長賴政修

字青州

三民鄉

長黃炳煥

字三民

清附

生陳作舟

字林泰

和平縣

立師範講習所

畢業黃緒先

和平縣

立師範講習所

畢業王槐新

前久勝鄉

長周師湯

字下車

清附

生黃文深

字彭寨

前貝溪鄉

長凌玉珍

字貝溪

小貝溪鄉

長凌玉珍

字貝溪

前和平縣

政府財政科

長黃鵬圖

前和平縣

政府財政科

長游書芬

和平縣

政府財政科

長游書芬

和平縣

政府財政科

長游書芬

和平縣

政府財政科

長游書芬

和平縣


政府財政科

長游書芬

—
—
—
—
—


清嘉慶二十四年已卯歲六修	鑒修	和平縣知縣	總修	呂拔貢仙居縣知縣	分修	郡廩生	邑廩生	邑增生	協修	呂舉人署新甯州知州	呂廩貢樂昌學教諭
羅天桂	徐廷翰	林德馨	曾廣具	黃清渭	黃金濟	林來祥					






和平縣志


卷首圖像



尺之一分厘十
(圖例各)



例 (同鄉各)										圖
水	寺	茶	鄉	縣	省	廟	操	學	山	公
湖	規	亭	界	界	界	宇	操	校	脉	路
河	行	市	村	庄	縣	城	市			
●	○	○	○	○	○	○	○	○	○	○



和平縣志

卷首圖像

